

T2665/8615(4)

CM	0	1	2	3	4	5	6	7	8	9	10	11	12	13	14	15	16	17
Lab D50 2	95/0/2	81/0/0	66/0/0	51/0/1	35/0/0	20/0/0	29/19/54	55/-39/33	40/9/-43	42/57/29	82/4/79	51/50/-13	50/-28/-29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60											

Harvard College Library/Imaging Services <http://imaging.harvard.edu>

CHINESE - JAPANESE LIBRARY OF
HARVARD - YENCHING INSTITUTE
47 HARVARD UNIVERSITY
JAN 10 1941

陸平集卷第九

樞密

商書珍錄

校刊

吳延祚字曼之太原人在周爲樞密使宋興加中書
門下三品以父名璋故也建隆初爲雄武軍節度使
改京兆尹卒贈侍中子元輔元載元昉太祖征李筠
嘗詢延祚以爲筠無謀恃勇離巢穴出戰則擒之必
矣卒如所料元昉字君華尚太宗蔡國公主累擢至
山南東道節度使兩知河南嘗值河溢城將壞躬涉
泥濘督工兼塞民有避水於林杪者旣濟以舟楫又
以家財賑之時數部被水患獨元昉所部民無怨溺

隆平集卷第九

樞密

裔孫國珍登龍

校刊

吳廷祚字慶之太原人在周爲樞密使宋興加中書門下三品以父名璋故也建隆初爲雄武軍節度使改京兆尹卒贈侍中子元輔元載元扆太祖征李筠嘗詢廷祚以爲筠無謀恃勇離巢穴出戰則擒之必矣卒如所料元扆字君華尚太宗蔡國公主累擢至山南東道節度使兩知河南嘗值河溢城將壞躬涉泥濘督工壅塞民有避水於林杪者旣濟以舟楫又以家財賑之時數郡被水患獨元扆所部民無墊溺

哈佛大學漢和
圖書館珍藏印

知定州適契丹入寇王超王繼忠領兵踰唐河戰元
扈度其必敗潛發兵護河橋超等果失利虜衆至橋
見陣整而遁徙知徐州以疾卒年五十贈中書令廷
祚厚重寡言治家有法好儒學聚書數千卷至元扈
聚書乃至數萬卷喜讀左氏春秋尤通內典精筆札
臨事慎重御下有術在藩鎮能愛民待賓佐必盡禮
奉身簡素所得祿賜均及親族國朝以來尚主者獨
稱其賢子守禮守嚴守良守讓

王仁贍字子豐唐州人顯德中隸太祖帳下卽位累
加進擢乾德二年樞密副使是年命與王全斌崔彥

進伐蜀蜀平有訟同諸將取民間子女玉帛責右衛
大將軍開寶末領三司僅十年頗縱吏爲姦時副使
陳恕輩率任苛察與卜遇互持本司短長仁贍不能
勝責唐州防禦使卒

李處耘字正元上黨人在周以右職隸太祖帳下建
隆元年擢宣徽北院使三年改南院兼樞密副使乾
德初周保權乞師討張文表命處耘與慕容延釗赴
之太祖面授處耘方略俾圖荆南處耘次江陵百餘
里外潛遣數千騎入據其城高繼冲請舉族歸朝荆
湖平坐與延釗不協責淄州刺史卒年四十七處耘

多機謀嘗權知揚州有善政識度詳敏論事造理頗以功名自任惟受遇思報勇於敢爲朝廷以延釗宿將乃獨罪處耘處耘亦不自辨子繼隆繼和繼明繼靖太宗明德皇后卽其女也

李繼隆字霸圖以父任爲供奉官嘗從官還自蜀與馬墜棧道絕澗十餘丈不傷又更戍邵州至長沙遇蠻寇手足中藥箭得良藥無恙從曹彬平江南太祖謂曰昇州平可持捷書來時內侍十數皆伺獻捷有機事悉不願行繼隆獨赴闕太祖以城未下頗怒其來繼隆奏曰途遇大風天地冥晦城破之兆也翌日

捷書至上語之曰如汝所料矣江南僞將盧絳擁兵數萬繼隆獨諭之威信而降征太原討幽州圍范陽繼隆皆與焉又從崔翰戰徐河從潘美出代北皆有功雍熙初屢破繼遷之衆曹彬北伐繼隆獲虜僞貴臣一人彬欲上其功繼隆力止之師還諸將兵敗獨繼隆振旅成列虜不敢犯卽以繼隆知定州有敗軍數萬集城下繼隆給券俾各持詣所隸太宗嘉其有謀端拱初爲鎮州都帥以萬人敗虜八萬逐北數十里初詔止令堅壁清野繼隆曰闕外之事將帥得裁也中黃門杜延壽止之不能故成功太宗召還面加

獎激嘗受詔由旱海護靈州軍糧繼隆固執由古原
州蔚茹河路爲便太宗從之乃帥師以進壁古原州
是爲鎮戎軍累擢至節度使真宗卽位加同平章事
景德初北虜入寇上親出征命繼隆爲駕前東西排
陣使先至澶州十一月二十四日虜數十萬逼州北
城繼隆與石保吉大破之強弩斃虜將順國王撻覽
追奔數十里二十六日駕至澶州幸北門觀兵召見
問勞久之其部位嚴整二年春加賞進其階邑命下
而卒年五十六贈中書令繼隆雖貴胄而能以智謀
自將好學喜接儒士子昭慶避章獻太后祖諱故改

名四歲補供奉官父繼隆北征昭亮尚幼遣持詔軍
中問方略及營陣衆寡之勢還奏稱旨累擢至西上
閣門使仁宗卽位遷東上自是屢領邊任管軍慶曆
八年除宣徽北院使加南院知定州以疾願還爲景
陵宮使改昭德軍節度使卒年七十一贈中書令諡
良僖昭亮爲人和易喜交權要而軍政頗嚴爲殿帥
有卒博於都市而撤屋椽相擊者捕斬之其軍校連
州刺史宋緒廷謝亦杖之庭下上祀南郊而騎卒失
所挾弓明日常以恩澤昭亮謂宿衛不謹不可赦原
卒配隸下軍子惟賢惟寶惟實惟責惟贄惟曆惟賀

惟貫惟賞

石熙載字凝績洛陽人周顯德中登進士第太宗初領泰寧軍節度制辟掌書記尹開封辟推官卽位屢加進擢太平興國四年正月簽書樞密院事三月改副使六月樞密使八年以疾求解機務除左僕射卒年五十五贈侍中熙載有文行立朝無顧避喜稱薦善人有長者之譽子中立字表臣年三歲喪父朝廷錄遺以爲供奉官十八獻文改光祿寺丞賜五品服家富於財悉推與諸父父之除直集賢院與楊億劉筠陳越李宗諤相厚善凡校秘書更中立手者皆爲

善本累擢知制誥翰林學士加承旨兼龍圖閣學士景祐四年叅知政事明年罷爲戶部侍郎資政殿學士慶曆四年自吏部侍郎除太子少傅致仕遷少師卒年七十八贈太子太傅謚文定子居簡從簡初中立家產歲入百萬死之日不能給喪具天子聞而哀之贈白金三百兩中立踈曠少威儀善諧謔頗嗜臺閣故事不及汲近名請老于家客至門者必延飲非醉不得去

楚昭輔字拱辰睢陽人初太祖建節嘗召置左右建隆初擢軍器庫使開寶六年樞密副使九年樞密使

太平興國六年以疾罷為右衛上將軍卒年六十九
 李崇矩字守則上黨人在周為作坊使太祖掌禁旅
 數相過從建隆初屢加獎擢以澤潞功授大將軍三
 年除宣徽北院使判三司乾德二年樞密使趙普作
 相與崇矩分秉國政以女妻普之子厚相交結太祖
 不悅因門下客以陰事告開寶五年罷除節度使改
 大將軍太宗即位授嶺南都巡檢就改瓊崖儋萬四
 州都巡檢代還除十年衛上將軍卒贈太尉諡元靖
 崇矩寡言尚信義嘗為晉史洪肇親吏洪肇被禍崇
 矩方事世宗既貴遇洪肇之孫必優而加禮之子繼

昌仕至連州刺史國史有傳繼昌之子曰勗尚太宗
 第八女禹壽公主舊制尚主者升居諸父之列真宗
 特於其名上益以遵字陞為崇矩之子焉遵勗子公
 武初授左龍武軍將軍駙馬都尉賜第永寧里所居
 堂執花有翔鳳命工琢去主服有虬龍文屏藏之真
 宗喜顧待加異嘗稱其好學累官至鎮國軍節度使
 知許州卒年五十一贈中書令諡和文遵勗喜讀書
 兼達釋氏性理之說居第園池聚奇花果美石多致
 日數千里者其費不貲有會賢間燕二堂東北隅有
 莊曰靜淵引流水周舍下嘗師事楊億億卒制服為

營其家事在許州奏乞至具茨山奠億之墓著閒燕
集二十卷外館芸題七卷子端懿端愿端憲端慤○
李端懿字元伯萬壽公主子也七歲授如京使積官
至鎮潼軍節度觀察留後十年不遷仁宗特授以節
制御史中丞韓絳以謂非功不當除端懿亦辭不拜
知澶州卒年四十八贈節度使其弟援例冊贈侍中
端懿和厚多讀書喜賓客所與游從皆時之賢士大
夫子詢謹護訢

弭德超嘗給事晉邸太平興國中累擢至酒坊使嘗
誣曹彬彬不辨八年擢宣徽北使兼樞密副使怒王

富弼乞致仕許之時弼至上言新法臣所不曉不可
以治郡願歸洛養疾遂以司空致仕進封國公弼雖
家居朝廷有利害知無不言帝雖不盡用而眷禮不
衰嘗因曹彬有所建明帝却之曰富弼手疏稱老臣
無所告訴但仰屋竊歎者即當至矣其敬之也於此
立保馬法文彥博以為不便安石持論益堅乃詔開
封府界諸縣保甲願牧馬者聽仍令以陝西所市馬
選給之曹彬求去位不許言樞密都承旨李評擅
作威福帝未加罪明日入身乞東南一郡帝曰自古
君臣如卿與朕相知極少朕鄙鈍初未有知自卿在

翰林始聞道德之說心稍開悟天下事方有緒卿何
去固請帝曰卿得非以李評事謂朕有疑心朕自知
制誥知卿屬以天下事如呂誨比卿少正耶盧杞不
為惑豈更有人能惑朕者未幾復自齋表入請帝不
視以授固令就職遼于越耶律仁先卒秋閏七月詔
章惇察訪湖北經制蠻事時帝思用兵以威四夷湖
北提點刑獄趙鼎上言峽川峒酋剝無度蠻衆願
內附辰州布衣張亦上書言南北江利害遂詔中書
云

楊守字邦益雍丘人太平興國元年至道宜兼同知

涿州而繼有岐溝之敗降右驍衛上將軍真宗卽位
復樞密使加檢校太師平章事咸平二年薨于位年
六十九贈中書令追封濟陽郡王彬敬慎和厚在朝
廷未嘗忤旨亦未嘗言人過失平蜀還太祖詢官吏
善否對曰軍政之外非臣所聞時諸將皆欲屠城殺
降彬獨任恕而戢下所至悅服太祖降璽書褒之時
諸將多有子女金帛彬橐中唯圖書衣衾而已故主
帥俱貶而彬獨進擢及征江南亦緩攻取數遣開諭
亦異其降雖已城陷猶納歸款僞朝君臣賴以獲免
自出師至凱旋士衆畏服無輕肆者其軍政如此雖

平集卷九
其德超之譖暫解機務而太宗察其忠謹待遇彌厚
北征諸將以潘美獨拔三州遂違節制而失利於歧
溝此愛克厥威之過也時趙昌言在魏奏乞誅彬及
昌言自延安還被劾不得入見彬居樞府為請於上
彬之仁厚皆此類也周朝嘗使吳越訖事即行不受
私覲吳越屢追遺之彬曰吾終拒之是近名也遂受
而歸盡輸內帑世宗強還之欲辭不獲命悉以分親
舊而一介不取君官俸入給宗族無餘積遇人雖甚
微賤莫不以禮待遇朝士大夫必引車避之真宗聞
其疾親視臨門手為和菜及以計聞惻然震悼對輔

臣語及彬必流涕以遺恩官其親族門下吏十餘人
子璨瑋孫儀

曹璨字韜光彬之長子以蔭補供奉官累擢至忠武
軍節度殿前都指揮使在禁衛十餘年以疾除河陽
節度使加平章事制入而卒年七十贈中書令璨質
厚寡言父為上將璨常從行彬以為類已特鐘愛之
征討得與計議太祖知而特授宮苑副使太宗朝為
鎮定鈐轄屢戰有功諸將多欲追奔璨曰戎人多變
力止之璨習韜略好讀左氏春秋善撫士卒兼著威
愛居家以孝謹稱雖輕財不逮其父而和厚亦有父

風

曹瑋字寶臣少爲父彬衙內都虞候授供奉官閣門
祇候李繼遷擾邊諸將數出皆無功太宗問大臣誰
可任者彬在樞密言瑋可使召見欲除諸司使知渭
州彬固辭止以本官同知渭州時方十九歲咸平二
年彬薨請服喪不許天禧四年除宣徽北院使鎮國
軍節度留後簽書樞密院事丁謂惡其不附已指爲
寇準黨出之改南院使環慶路都總管兼安撫使乾
興元年降左衛大將軍觀察使久之復舊官天聖七
年除彰武軍節度使真定府路總管卒年五十八贈

侍中謚武穆瑋好讀書通春秋尤善左氏傳爲將四
十年戰未嘗敗衄威震西鄙初自渭州移鎮戎軍言
鎮戎地平便於騎戰非中國之利請自隴山而東循
古長城鑿塹以爲限又請以兵械及閑田蠲租以給
弓箭手再知渭州破章諲族于武延鹹泊川滅撥臧
于平涼隴山諸族皆獻地瑋爲築堡山外號籠竿城
募弓箭手守之知秦州兼涇源儀衛鎮戎安撫使宗
哥立遵與唃廝囉謀內寇乃上書求號贊普瑋言不
可聽若復有求益難制也朝廷猶授立遵節度使既
而立遵令其舅賞樣丹說蕃部郭厮敦爲嚮導瑋遂

以計使斯敦圖樣丹後旬日果攜其首至瑋表斯敦
為順州刺史先是張佐知秦州蕃部驚擾至是凡前
拒王師者皆伏匿瑋令納馬贖罪而還故地至者數
千人斯敦因獻南市即秦渭之咽喉也自弓問至威
遠共置寨十數亭障橋梁相望浚壕僅四百既而喃
嘶囉以衆十萬入寇瑋逆於三都谷擊敗之斬獲萬
級踰年又破宗哥將馬波叱于野吳谷誅叛者鬼
留族夷之於是河洮蘭三州安江妙敦邈川黨通等
羌皆破散宗哥所立文法納質內屬喃嘶囉逃入磧
中塞垣遂安凡羌會欲有所為必先令其下謂之立

文法焉秦人請立碑紀瑋功有詔褒之天禧三年德
明寇慶州柔遠寨都巡檢楊承吉戰不利復命瑋為
安撫使委乞骨咩大門等族聞其至歸附者千餘落
初繼遷死瑋言繼遷擅中國要害地終身抗拒今國
危子弱不即捕滅後強盛恐難復制朝廷欲以恩致
德明書寢不報自三都谷捷喃嘶囉聞瑋名即以手
加額而東嚮之鎮天雄契丹使過必戒其下無敢疾
驅者在渭州或戍卒叛入夏州有告者瑋必曰吾使
之去勿問也繼遷聞即斬首投境上環慶邊人多市
屬羌之曰致單弱不自給即沒虜中瑋命盡還之有

犯卽徙其家于內地舊羌殺邊民以羊贖其死瑋下令曰羌自相犯從其俗卽犯邊民論如律遂無犯者始置弓箭手斥塞上棄地使相角力勝者給田二頃再經秋成課市一馬馬必勝甲然後官爲印之益賦田五十畝至三百家以上團爲一指揮築堡於要害處使環之以塹又立馬社一馬斃衆爲市馬塞下諸塹皆以一丈五尺爲深廣之阻山險不可浚者止治使峭絕而已其制屬羌百帳以上置軍主指揮使不及百帳止置指揮使其蕃落將校止於本軍序進之不從他軍以其熟虜情知出入路故也瑋所措置至

今不能改子僖倚僅倩慈聖光獻皇后璨之女也璨之子曰儀

曹儀字措臣以祖蔭補右班殿直累擢至耀州觀察使卒年五十五贈節度使子詒謁談初儀知邠州有告弓箭手都校李文宸將叛者朝廷命儀察之文宸習知蕃漢事邊人多畏伏其後帥府以爲腹心季父瑋在邠亦所委用儀明其不反益信任之邊人莫不感悅儀嘗以上軍都虞候爲涇原副總管景祐元年皇后受冊乃請解軍職而易廉車之任

楊礪京兆人曾祖守爲唐使相乃宦者復恭之養子

礪建隆間登進士第真宗在藩邸嘗為記室即位擢
給事中翰林學士咸平元年樞密副使二年薨于位
年六十九贈兵部尚書礪周顯德中初應舉嘗夜夢
見一人衣冠甚古自稱徵君謂礪曰汝能從吾遊乎
礪隨往頃之視宮衛嚴邃俄升大殿見一南面而坐
者徵君指之曰此來和天尊汝異日事立礪再拜而
退及為記室謁襄邸還謂其子曰今日見襄王正昔
所見來和天尊也礪為文無師法詔誥迺怪見者哈
之

宋湜字持正京兆人父溫故終於補闕季父溫舒終

於起居郎皆有時名湜少孤以孝聞太平興國二年
登進士第累擢知制誥翰林學士咸平元年樞密副
使從幸澶淵以疾薨于道年五十一贈吏部侍郎湜
秀穎有器識好學善談論尤工筆札得者深藏之善
引重後進有文集二十卷

錢若水字淡成又字長卿河南人十歲能屬文華山
陳搏一見以為有仙風道骨雍熙中登進士第至道
初同知樞密院真宗即位屢求解機務不允以親年
高為請益堅乃罷為集賢院學士改鄧州觀察使判
并州以疾召還卒年四十四贈戶部尚書若水風流

儒雅有文學善議論事母以孝聞所至有譽望接物必以誠評人貴賤壽夭多驗自知不壽故懇辭勢位賢士大夫皆宗慕之有文集二十卷自翰林草詔賜趙保忠云不斬繼遷開狡兔之三穴潛疑光嗣持首鼠之兩端太宗深嘉之知天雄軍詔遣決議城綏州率衆過河分布隊伍動有帥律宿將見者莫不歎服還言城之無益詔已之修太宗實錄初至道三年春太宗晏駕有馴犬號呼不食詔遣送陵寢叅知政事李至欲若水書其事遺之詩曰白麟朱鴈且勿書勸君書此懲浮俗若水不從至因若水奏成書不列監

修官呂端名以爲若水掠美若水援唐故事有實錄不書監修官名者衆不能折嘗從幸大名詔御史中丞令訪近臣邊事若水言臣聞用兵以伐謀爲上御將以用法當先比者傅潛爲帥擁數十萬閉關縱寇坐看醜虜殘虐生民不正典刑曷懲其後楊延朗楊嗣勇於赴敵奮不顧身授任尚輕見功未大臣願陛下誅傅潛以徇衆擢胡嗣以勸能使諸將承風各思用命聲馳塞外威懾群胡昔僞晉劉崇結契丹入寇懦將樊愛能何徽臨敵不戰周世宗陳宴而戮之因使徧將十數分擊太原崇不敢支戎亦遁去其後收

淮甸下秦鳳平關南如席卷之易此用兵伐謀之効也欲消外侮必本安邊用得其人莫如太祖畀董遵誨以通遠軍郭進之在關南何繼筠之處鎮定隰州則李謙浦易州則賀惟忠王彥昇之治原姚內斌之守慶名不過沿邊巡檢責其効皆十餘年闊略其細故則無畏避之心就錄其功賞則絕幸遷之意官卑故易以使久任故知虜情間授睿謀戒其生事是以西寇北虜十七年間遣使稱藩不爲外患已試之効今皆可行久之北虜未賓復內出手詔詢若水備禦翦滅之術若水言臣讀前史論匈奴者多矣若漢婁

敬樊噲李布賈誼晁錯主父偃徐樂王恢韓安國朱買臣董仲舒之所陳特和親征伐之二議唐李靖魏徵溫彥博郭正一狄仁傑之所及亦不過戰守之兩端晉桑維翰不苛約之言出於微弱故相趙普請回軍之奏姑莫息民悉非遠謀臣所不取嚴尤謂自古禦戎無上策臣竊笑之守在四夷制勝以靜非上策而何臣聞唐魏博一鎮爾戎兵固不衆於今日而胡騎未嘗南牧者以幽薊爲北門扼其險阻故也石晉割地之後由定武達滄海千里受敵雖設二關鎮之以重兵莫可以禦故晉末渡長河漢初復擾邊徼以

周世宗之英武曾未能絕其寇中山窺上黨今御札
詢備禦翦滅之術臣以為未得幽州未可翦滅也後
唐莊宗在河北命周德威取幽州然後南向而爭天
下蓋先為萬全之計使不能勝此善用兵者也夫戰
守不同心將不能料敵重兵在外輕兵在內則今之
所患也臣願陛下選智謀可以任邊郡者聽召壯士
以為部曲而官為廩給之又募民為招收軍厚其糧
賜蠲其租稅彼供輸兩地各有親屬則敵之動息得
以知之如是同心將能料敵而在外者皆輕兵矣然
無以統眾則不能用眾無以制勝則不能勝敵故必

擇大臣領近鎮提重兵以專闔外之事有警則督戰
已事則班師既無舉兵之名又得馭兵之要三軍同
力上下一心備禦之方舉積此矣若乃患民力之困
則廣邊地之營田戍卒之驕則嚴將帥之法令古語
有之曰法不可疑令不可違又曰賞不勸謂之止善
罰不懲謂之縱惡昔太祖用郭進守西山遣戍卒必
戒之曰汝謹奉法我猶赦汝郭進殺汝矣其假借如
此故郭進所止兵未嘗小衄臣願陛下推太祖所以
待郭進之心而待諸將則法令不患不嚴勸懲不患
不至上善其議

張宏字巨卿金州人太平興國二年登進士第歷官以勤幹聞雍熙三年除樞密副使四年與御史中丞趙昌言對易其任端拱初復樞密副使久之罷真宗卽位授工部尚書卒贈右僕射子可久可道可度宏淳謹少廉譽

夏侯嶠字峻極濟州人太平興國初登士第真宗在藩邸爲翊善尹開封爲推官東宮建爲太子中舍卽位除給事中居數月擢樞密副使咸平元年罷爲戶部侍郎翰林侍讀學士兼秘書監卒年七十四贈兵部尚書嶠慕道以養生爲務喜誦莊老書淳謹無

通有文集十五卷

柴禹錫字玄圭大名人少有相者謂曰子甚貴若輔以經術必至將相由是頗讀書傳太宗尹京因委質焉卽位累擢如京使掌翰林同告秦王廷美陰謀擢宣徽北院使兼樞密副使雍熙初罷淳化四年復舊任兼知樞密院事除節度使卒年六十二贈太子太傅

隆平集卷第十

樞密

高孫在昂等 校刊

王繼英開封人少為筆吏趙普罷相常從者去繼英奉事愈謹普復相以補中書省官真宗在襄邸為前導即位擢引進使未幾除宣徽南院使景德二年樞密使三年薨年六十一贈侍中諡恭懿

王顯開封府人少給事晉邸即位補右班殿直未幾數加進擢太平興國八年除宣徽南院使兼樞密副使淳化二年罷為節度使咸平二年樞密使三年罷復建節卒年七十六贈中書令子希逸太常博士直

史館希範並遷官

韓崇訓字知禮節度使重贊之子以文任為供奉官累擢四方館使樞密都承旨景德三年簽書樞密院事求罷除防禦使求致仕以本官分司卒崇訓長厚謙畏未嘗忤物

周瑩左領軍衛上將軍景之子少給事晉邸即位補殿直累擢客省使簽書提點宣徽樞密院諸房公事與內臣劉承珪對領其任非舊制也機要事並令關決樞臣皆不敢專之咸平初擢瑩宣徽使三年兼知樞密院事承珪同罷提點諸房是後不復置瑩五年

罷除節度使高陽關都帥累歷藩鎮以畏懦聞卒年六十六贈侍中謚元惠

劉昌言字禹謨泉州人淳化四年同知樞密院事至道元年罷

趙鎔淳化四年除宣徽北院使兼知樞密院事至道元年改南院使至三年罷

李惟清至道三年同知樞密院事是年改御史中丞王嗣宗字希阮汾州人開寶八年登進士第甲科是年初置司寇叅軍卽以授嗣宗累擢至御史中丞改耀州觀察使大中祥符七年樞密副使八年求罷除

大同軍節度使知許州又改感德靜難二鎮以左屯
衛上將軍致仕卒年七十八贈侍中楊楚間有窄家
神廟民有疾不服藥而祠之并州有龍王廟郡人敬
信邠州靈應公廟傍有群狐居之民以祈水旱疾病
嗣宗為發運使知并汾州毀二廟燹狐穴淫祀遂息
嗣宗所至御下嚴峻頗陵慢士人在朝廷力詆大臣
嘗厚結王旦之弟求知於旦旦惡其為人不荅故於
上前屢言中書不法事雖無實上亦優容之平時忿
宋白郭贄邢昺七十不請老亦言於上及其晚言疾
甚雖求退章一上而已猶欲得郡而朝廷特授以環

衛官致仕頗挹挹不自釋為眾所咤

馬知節字子元父全又國史有傳全又太祖深念之
知節方七歲召見特授供奉官命樞密進三名御筆
寫知節字賜之少感慨自立未冠監彭州兵有老成
風景德三年簽書樞密院事遷副使大中祥符七年
罷天禧元年知樞密院事二年罷以疾除節度觀察
留後求外任授知貝州既而上憫其癯瘁止命歸鎮
而上黨大名之民爭求迎之卒年六十五贈侍中謚
正惠知節大中祥符四年嘗加宣徽北院使在樞府
頗輕視馮拯王欽若等賦性疎直遇事敢言不少自

屈所與游皆時之賢士居常以方略自任初監兵潭
州何承矩爲守頗以文雅飾吏治知節慕之故折節
讀書雍熙間護博州兵時劉延讓敗於君子館知節
完城繕甲儲積芻粟僚吏皆不悅旣而虜果至以有
備引去李順之叛詔與王繼興同討賊繼興惡其不
附已遣知彭州付以羸兵擄賊賊十萬衆攻城知節
力戰適兵至而賊潰時劉景帳下有叛卒三千
皆戮之知秦州州嘗質羌酋支屬二十餘人踰二紀
矣知節曰羌亦人豈不懷歸悉釋之羌懷其德訖終
更不犯塞知益州始請以省校代鄉戶運舟自是蜀

人免破產之患在延州戎寇至方上元遂張燈啓開
宴樂累夕虜不測因引去詔發澶魏六州糧輸定武
時虜方內寇知節守鎮州曰糧之來資寇也止令於
舟車所至收之虜無所得而遣知節所至皆以威愛
臨下而事無不濟特疾惡太過不能無怨也

周起字萬卿淄州人也母得吉夢而生起咸異

必大其門因名之曰起咸平二年登進士第累擢知
制誥樞密直學士天禧元年同知樞密院事三年改
副使與寇準善丁謂用事四年以疾罷起降太常少
卿及謂貶始復秘書監禮部侍郎知潁陳汝州卒年

五十八贈禮部尚書謚安惠起善真行書弟越亦以能書稱子延荷延讓延壽景德中詔改鼓司爲登聞鼓院首以起主判東封還群臣多獻文章以頌德起獨上書言天下之勢常患恬於安逸而忽於兢慎願毋以告成爲恃帝嘉納焉起常患貢舉之弊因建議糊名以革之至今爲著令初置糾察司起居其職言止閱文案慮不能盡情諸已決而事枉及拷掠之理並聽訴于本司從之權知開封聽斷明審廷無留事以真宗判南衙聽事之所爲繼照堂自是無敢居者仁宗初降誕起方奏事真宗謂曰知朕有喜乎起曰

臣不知上曰朕始生子卽入禁中懷出金錢賜起起性樂易喜飲酒在樞府嘗與高列飲曹瑋家多出者猶冠準與起夜漏上纔歸翌日引罪伏謝真宗笑曰天下無事大臣和樂何過之有起前後奏事及對上所問隨焚草外無知其言者家藏書至萬餘卷

曹利用字用之趙州人少慷慨有志節讀書略通大意父諫明經及第至右補闕換崇儀使利用以父遺恩補殿前承旨轉右班殿直選鄜延路走馬承受景德初駕幸澶淵契丹來議通和利用適奏事行在樞密院選以使虜旣講好擢東上閣門使忠州刺史仍

賜第一區四年宜州軍校陳進反命利用爲廣南安撫使賊平遷引進使大中祥符七年樞密副使加宣徽北院使天禧元年同知院二年知院事三年樞密使四年加同平章事乾興元年加左僕射兼侍中充武寧軍節度使天聖三年加司空五年封鄆國公明年改保平節制又明年趙人告其從子洎逆謀遂罷以本官兼侍中判鄧州及洎誅上將軍知隨州又坐私貸景靈宮公用錢貶節度副使房州安置至襄州內臣楊懷敏逼使自縊以暴疾卒聞年五十九利用狃奉使之勞驟居大任遂自驕肆奏事簾前頗不懺

肅多裁抑貴戚官官而親舊或乘間獲進故不免禍既死人或以爲冤子沔淵泳初樞密既以利用名聞真宗令召問以觀其志明曰王繼英奏利用言得將君命雖死不避卽授閣門祗候假崇儀副使奉書以行真宗曰彼如貪歲賂亦細事爾或求關南當以理絕之對曰若有妄求臣不敢生還上壯其言及見戎母橫板車輓布器皿與利用共飲食果首及關南利用曰若歲求金帛以助軍費猶恐大臣議或不同割地之議死不敢聞其政事舍人高正始曰舉國而來不爲關南止得金帛誠媿見國人利用曰若爾則兩

國之兵未有休時矣虜度不可屈遂決通好之議而與報使韓杞同至復致書幣以往許其和好自是河朔罷兵利用與有力焉其後宰相李迪面斥丁謂姦邪用馮拯皆有朋黨利用曰以片文遇主臣不如迪捐軀入不測之虜迪不逮臣也及王曾作首相利用平班曾為班首利用有不平之意皆其驕盈自伐故爾

姜遵字從式淄州人咸平二年登進士第累擢至諫議大夫天聖六年樞密副使八年薨于位年六十八贈吏部侍郎子延齡餘慶初遵為御史言青州大姓

麻士瑤不法事詔實按誅之其為吏尚嚴而知永興軍太后詔營浮圖遵毀漢唐以來碑碣代磚甃射督成之因獲進用

王晦叔河南人隋王績之後名同英宗御諱故以字稱淳化三年登進士咸平中賢良方正入等累擢龍圖閣待制樞密直學士給事中太子賓客妻父寇準得罪落職知汝州乾興元年貶郢州團練副使天聖四年復給事中遷工部侍郎御史中丞兼理檢使理檢置使自晦叔始也七年叅知政事明道元年以疾免除資政殿學士知陝州河陽二年樞密使景祐

元年加平章事薨于位年七十二贈太保中書令謚
文康子益恭益柔初玉清昭應宮災守衛者皆繫御
史獄直議修復晦叔上言昔桓宮災桓僖親盡當毀
者也漢高廟及高園便殿災董仲舒以為高廟不當
居陵旁故災王清昭應宮非應經義宜思災變之來
上與太后悟遂薄守衛者責而罷修宮晦叔方嚴簡
重有大臣體雖通顯而儉約如貧時知益州蜀人比
之張詠有前張後王之譽有文集四十卷周書奇訓
十二卷唐書備問二卷莊列指歸四篇群牧故事六
卷藏于家

趙稹字表微宣城人端拱二年登進士第累擢諫議
大夫集賢院學士知益州坐市錦寬縱落職久之復
舊俄遷樞密直學士章獻太后臨朝既久劉美有婢
出入禁中稹厚結之天聖八年樞密副使明道二年
罷為尚書左丞遷禮部尚書以太子少傅致仕卒年
七十六贈太子太保謚僖質子士賓稹少好學嘗為
益州路轉運使有平冤獄之稱

李諮字仲賓唐宗室岺之後岺貶死袁州子孫因家
焉後徙居臨江軍景德二年登進士第累擢知制誥
翰林學士權三司使請郡以樞密直學士知洪州坐

三司變茶法落職久之復舊職仍權三司使景祐二
年知樞密院事三年薨于位年五十五贈右僕射謚
憲成有文集二十卷無子以族子演爲後諡幼而父
出其母日夕涕泣求母還以至絕葷茹鄉里稱其孝
天聖初在三司言天下賦入有常而用度日益願一
切裁節之詔校一歲經費減冗長者十之三又以商
人入粟邊鄙算茶與犀象爲虛實三估坐耗官帑請
以實錢參紐初商人有厚利宜革之怨謗滋起而議
者是非復不一遂奪職在樞府榷茶之法寔壞乃詔
諮與蔡齊更議之諮以變法嘗獲罪固辭不許於是

復用所變法而官無濫費矣知永興恃葢犯法者悉
杖之境内肅然諮性明達周知世務處劇閒暇居大
任務抑僥倖號爲稱職三班使臣舊七年磨勘李迪
奏減二年諮請自詔下經七年磨勘後方用新制事
雖均頗爲衆怨

王博文字仲明曹州人十六善屬文應舉開封以回
文詩百篇投試卷場屋中謂之王回文知廬州劉蒙
叟薦召試舍人院除壽州安豐主簿又以知制誥陳
堯咨薦召試中書賜進士出身累擢至龍圖閣待制
進龍圖閣直學士樞密直學士龍圖閣學士兩權三

隆平集卷十
九
司使寶元元年同知樞密院事二十六日而薨年七十贈吏部侍郎子因略疇時天禧四年詔博文按朱能王先僞乾祐天書事連逮者衆唯治首惡脅從者請皆得減死論其後章獻太后怒曹利用而博文與內侍羅崇勳鞫曹洎獄于真定府洎伏誅議者或謂博文致之沿邊軍民逃入蕃部擒致者有錦袍銀帶茶綵之賞間有自歸而為蕃部所得亦不能免法皆處斬博文遣習事者持信紙密招之至則驗而貸北罪減誅死者甚衆詔加褒諭仍推行其法於諸邊郡王疇字景彝以父任將作監主簿天聖八年登進士

第累擢知制誥御史中丞翰林學士治平元年樞密副使至二年二月共五十五日而薨年五十九謚忠簡嘉祐末英宗疾稍愈未出疇請以時御朝又請謁祠廟會宰執亦請上從之遂聽政焉未幾大用知制誥錢公輔言疇資望輕淺在臺素餐上用疇而黜公輔焉疇容服莊潔坐立巖然吏治審密文辭嚴麗任中執法亦屢言事亦或見用其時多有顧望者至和初為開封府判官宦者李允良疑人毒死其叔父訴請發棺驗視疇獨曰驗而無實是無故暴人死此安知非允良有姦既而窮治果引伏與叔家有怨

范雍字伯純初名犯聖祖諱故改今名世居河東曾祖仁恕從孟知祥入蜀爲僞相祖龜從隨孟昶歸朝爲環衛官父德隆仕至供奉官葬河南因家焉咸平初登進士第天聖初累擢至龍圖閣待制進直學士權三司使天聖六年樞密副使明道二年罷除資政殿學士改振武軍節度使知延州劉平石元孫戰陷賊降戶部侍郎知安州歲餘復吏部侍郎遷左丞加大學士進禮部尚書卒年六十八贈太子太師謚忠憲子宗傑宗師宗賢兩河宿兵大賈轉粟塞下獲利甚厚雍爲河北轉運使移它郡緡錢市糴於德棣間

運以贍邊頗減橫費知永興完城浚池二者以爲警擾詔止其役雍匿詔而趨成之明年葛懷敏敗於定川邠岐間皆恐唯永興人心帖然玉清昭應宮災雍在樞密府太后泣先帝力建此宮一夕幾盡唯幸存三小殿子雍對曰先朝竭天下之力而作之今火出非意豈非天之譴告乎如又將葺之民不堪命矣后悟有詔勿葺雍所至治尚恕好謀鮮成唯薦士多至公卿

張著字元弼開封人年十一給事真宗藩邸及卽位授西頭供奉官累擢至節度使大中祥符九年除宣

微南院使兼樞密副使天禧元年罷天聖二年自淮南節度使加同平章事充樞密使初名旻七年改鎮山南東道賜名曰著明道元年進右僕射兼侍中河中尹累封至徐國公以太子太師致仕卒年七十五贈太師兼侍中謚榮僖有子二十四惟一忠一抱一守一如一禮一得一繼一希一歸一昭一純一奉一正一志一平一利一元一本一舉一誠一宗一可一女三十一人其爲人有智數真宗嘗使讀論語左氏春秋又賜以宸戒二十條及聖政紀冊府元龜故通知傳記至於星曆術數之學無不博習其言邊事或

衆緯變見多中章獻太后在壽邸時嘗出寓其家故臨朝最所優異賜第省西七百楹後言者以樓下瞰郊社乃毀之前後賜予不貲欲其財之不出故爲曲欄積百貨與群婢貿易其有疾者親診視收其藥直御諸子嚴日一見之卽出外舍所得供饋僚屬頗厚自咸平以後屢有戰功爲殿帥時盛興宮室人皆爭奉符瑞丁謂王欽若等主其事無敢議者著獨毅然謂朝廷不足以承天意物論多之

張觀字思政絳州人大中祥符七年中服勤詞學科擢爲第初名正觀御去正字釋褐將作監丞通判解

隆平集卷第十
州累擢知制誥翰林學士權御史中丞寶元元年同
知樞密院事康定元年罷為資政殿學士又除御史
中丞以父高年請便郡進觀文殿學士知許州遷尚
書左丞丁父憂哀毀過甚既練而卒年六十六贈吏
部尚書謚文孝子仲莊仲和仲成京東路舊止通安
邑鹽而瀕海禁私煮觀知郟州兼京東西路安撫使
請弛其禁歲免黥配者不可勝計其為人寬厚長者
而吏事非其所長知開封府問犯夜者有見人否人
皆哂之平生未嘗草書因自為詩曰保心如止水為
行見真書性至孝為秘書郎而父居業猶為幕職官

請以官回授其父真宗嘉其請擢居業京官官至太
府卿太宗嘗以飛白清字賜觀旌其潔白任中執法
薦文彥博為御史文彥博致位宰相焉



